

05. november 2018

UKA2018/152

Naalackersuisut kingusinnerpaamik UPA2019-imut Kalaallit Nunaanni pisortatigoortumik piitsuussutsimik killiliissummik aalajangersaanissaat pillugu Inatsisartut aalajangiiffigisassaattut siunnersuut.

(Aleqa Hammond, Nunatta Qitornai)

Sara Olsvig IA-meersup naalackersuisut aaliangersaaquai piitsuussutsimut killileeqqullugit.

Siunnersuuteqarput innersuuppaa siorna naalackersuisut nassuiaataa atugassatsialattut taallugu nalunaarusiaq qulequtserneqarsimasoq "Piitsuussuseq naligiinnginnerlu – Naligiinnginneq piitsuussuserlu kiisalu piitsuussutsimut killiliussassamik nunatsinni aalajangiussinissamut periarfissat pillugit nassuiaat".

Siunnersuuteqartut ugguuna isumaqartigaarput oqarmat Naalagaaffiit Peqatigiit piujuartitsineq piujuartitsinissamut anguniagaanni ingerlatsinissamut tunngasortaani anguniagaq siulleg, tassalu piitsuussutsimut akiuniarneq nungusassallugu sulinissaq.

Piitsuussuseq akiorniagassaraarput nukiit tamaasa atorlugit.

Piitsuussutsip nassatarisarpai nunagisami atugassat naliginnaasunut angummassinnaannginneq. Akiligassatigut angummassinnaannginneq, nerisaqarniarnikkut pisiarineqarsinnaasunut akissaqannginneq, meerartat soqutigisanut allanut peqataasinnaannginneri, atisatigut imminut anertunerusumik isumaginnissinnaannginneq allatigullu ulluinnarni aningaasakilliornerup nassatarisaanik aqqusaarneqartartut. Meeqqat pissakilliortuni alliertortut amerlasuutigut allanut ajukktutunngortinneqartarput allaallu qingasaarneqartarlutik. Meeqqat pissakilliortuni perortut allatuulli meeraqatit inuusuttoqatillu atugaannut usoruttunngortinneqarlutik imminut isiginerat anertuumik appartinneqarsinnaavoq tunuarsimaartunngortinneqarsinnaalluni. Tamannali piusuaanangilaq inuppasuaqarmat pissakittuullutik alliertorsimagaluarlutik ullumikkut inuiaqatigiinni akuulluartunik inuiaqatigiinnullu tunniussassaqluartunik.

Piitsuussutsip akiorniarneqarnerani isumaqarpugut uuttuutit aningaasaannarmut sammitissallugit eqqortuunngitsoq. Inuiaavugut aningaasaannaq aallaavigalugu imminut pilersorsinnaassuseqarneq nalilersortarnatigu.

Aalisartut piniartukkumormiut aammami saniatigooralugu aalisartarlutillu pinialuttartut pisassaqarniarnerat aaliangiisuvoq imminut pilersorsinnaasseq eqqarsaatigalugu.

Nunatta Qitornai

Inatsisartuni



Naammattunik pisassaqtitsinngikkutta neqissaqarniarneq innarlissooq inuussutissaqarniarneq peqqinnartunik killeqartinneqassaaq, isertitaasinnaasut killilerneqassapput aammalu ukioq kaajallallugu inuussutissaqarniarneq killilerneqassalluni.

Nunatta Qitornaanit isumaqarpugut inuiaat immikkuullarissuunerput aallaavigalugu piitsuussuseq neqissaqarniarnermi annertuumik tunngaveqartoq, imminut pilersorsinnaaneq nunap tunniussasaanik aallaaveqartoq aammalu tamanna tunngavigalugu imminut pilersorsinnaassuseqartariaqarnermut Naalagaaffiit Peqatigiit nunap inoqqaavisa pisinnaatitaaffianit nalunaarutaanit tunuliaqut-serneqarsimasoq annertunerusumik atuutsinneqartariaqartoq.

Isertitaqqortussuseq qiviaraanni isorliunerusuni inoqarfinnilu minnerusuni isertitat annikinnerpapput, taakkunungalugu imminut pilersorsinnaassuseq annertusineqartariaqartoq aqputissatut isigaarput, tassalu ukiumut ataasiakkaanginnangajannik umiarsuartigut pilersorneqarfinni najugallit pisassatigut allanit annertunerusumik inissimasariaqarnerat isumaqarfigaarput amerlanertigummi neqissaqarniarneq ilaqutariit illoqutigiinnut annertoorujussuarmik isumaqarmat aammalu tamakuummata imaaliillaannaq suliffissamik periarfissaqanngitsut.

Pisassat maammattut, neqissaqarniarneq annerusoq aammalu ilinniarsimassutsikkut qaffassaaneq. Taakkuupput piitsuussutsip qaangerniarnerani sakkussat uukkatassallu qitiat.

Inuiaqatigiinni piitsuussuseq annikillisarneqassappat aammalu annerusumik isertitaqarsinnaaner-mut aqputissamik ujartuisoqassappat tassaavoq ilinniarsimassutsikkut aqputissiuussinerusari-aqarneq inuiannillu paaseqqullugu aningaasarsiorluarsinnaaneq angorusukkaanni ilinniagaqarnik-kut aningaasarsiassatigut imminut aqputissiuunnerummat isumatusaartoq piffissamullu ungasinne-rusumut isigisoq.

Siunnersuuteqartup tunngavilersuutai aningaasatigut isertitat aallaavigiinnarlugit killiliinissamik si-unnersuutaa isumaqatiginngilarput. Isumaqarpugulli naalackersuisut oqariartuutaat 2019-mut aningaasaqarnikkut ingerlatsineq pillugu nalunaarussiaanni anguniakkat aqputissallu qulequttamut attuumassuteqartut suliarilerunikku tamakku ersersinniarlugit suliniarnerat taperserlutigu. Siunnersuut itigartillutigu naalackersuisut suliaminnut ilanngussiniarnerat taperserparput.